



Broj: UP09-07-1-1092/17
Sarajevo, 06.07.2017. godine

Ministarstvo pravde Bosne i Hercegovine, rješavajući Zahtjev osnivača Udruženja za filozofiju i društveno - humanistička istraživanja „Eidos“, u predmetu upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 44/10 i 14/12), d o n o s i

RJEŠENJE

1. U Registar udruženja kod Ministarstva pravde Bosne i Hercegovine pod **registarskim brojem 2049** Knjiga I Registra, dana 06.07.2017. godine, upisuje se Udruženje pod nazivom:
 - a) Udruženje za filozofiju i društveno – humanistička istraživanja „Eidos“
Удружење за филозофију и друштвено – хуманистичка истраживања „Eidos“
Udruga za filozofiju i društveno – humanistička istraživanja „Eidos“
 - b) Skraćeni naziv glasi: Udruženje „Eidos“, Удружење „Eidos“, Udruga „Eidos“
2. Adresa sjedište Udruženja je: Zenica, ulica Fakultetska bb
3. Ciljevi i djelatnosti Udruženja su: podrška inicijativama koje podstiču razvoj filozofije, te društvenih i humanističkih nauka; podizanje nivoa znanja građana BiH o značaju istraživanja u društvenim i humanističkim nauka; podizanje nivoa znanja građana BiH o ulozi društvenih i humanističkih nauka; promovisanje saradnje između univerziteta, fakulteta, instituta i centara koji se bave filozofijom, te društvenim i humanističkim naukama; promovisanje standarda u domenu slobode mišljenja, istraživanja i javnog izražavanja; organizovanje različitih vidova naučno – istraživačkih skupova u Bosni i Hercegovini u oblastima filozofije, te društvenih i humanističkih nauka u svrhu ostvarivanja ciljeva i djelatnosti Udruženja, u skladu sa Zakonom; rad na kreiranju i koordinaciji projekata koji afirmišu znanja iz oblasti društvenih i humanističkih nauka; animiranje javnosti da učestvuju u svim vidovima djelovanja Udruženja; fokusiranje rada na programe, inicijative i kampanje s ciljem promovisanja principa slobodnog dijaloga u BiH; publikovanje rezultata svog rada kroz različite časopise, knjige, zbornike, brošure i slično, u svrhu ostvarivanja ciljeva i djelatnosti Udruženja, u skladu sa Zakonom; internacionalizacija pitanja kojim se Udruženje bavi, naročito saradnja sa srodnim udruženjima u BiH i svijetu.
4. Osobe ovlaštene za zastupanje Udruženja u pravnom prometu su Spahija Kozlić, predsjednik Udruženja i Nebojša Vasić, potpredsjednik Udruženja.
5. Danom upisa u Registar udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registriranim nazivom.
6. Ovo Rješenje će se objaviti u „Službenom glasniku BiH“, o trošku podnosioca zahtjeva i na internetskoj stranici Ministarstva.

Obrazloženje

Osnivači Udruženja za filozofiju i društveno – humanistička istraživanja „Eidos“, su 25.05.2017. godine podnijeli zahtjev za upis u Registar udruženja kod Ministarstva pravde.

U toku postupka registracije, Ministarstvo je utvrdilo da Zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju. Ministarstvo je aktom broj: UP09-07-1-1092/17 od 12.06.2017. godine zatražilo ispravku i dopunu Zahtjeva.


Nakon otklanjanja nedostataka osnivači Udruženja su podneskom 05.07.2017. godine izvršili ispravku Zahtjeva i priložili sljedeću dokumentaciju: Odluku o osnivanju Udruženja za filozofiju i društveno – humanistička istraživanja „Eidos“ broj: 01/17 od 15.03.2017. godine; Statut Udruženja broj: 02/17 od 15.03.2017. godine, u dva primjerka; Odluku o imenovanju predsjednika i potpredsjednika Skupštine Udruženja broj: 03/17 od 15.03.2017. godine; Odluku o imenovanju predsjednika, potpredsjednika i sekretara Udruženja broj: 04/17 od 15.03.2017. godine; Odluku o imenovanju osoba ovlaštenih za zastupanje Udruženja u pravnom prometu broj: 05/17 od 15.03.2017. godine, sa ovjerenim potpisima i fotokopijama ličnih karata imenovanih osoba; Zapisnik sa Osnivačke Skupštine Udruženja broj: 06/17 od 15.03.2017. godine; ovjerenu Izjavu u skladu sa članom 31.f) Zakona, ovjerene fotokopije ličnih karata osnivača Udruženja i dokaz o uplati administrativne takse.

Na osnovu činjenica utvrđenih u postupku, proizilazi da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis Udruženja za filozofiju i društveno – humanistička istraživanja „Eidos“ u Registar udruženja kod Ministarstva pravde Bosne i Hercegovine, pa je doneseno rješenje kao u dispozitivu.

Na ovo Rješenje naplaćena je administrativna taksa u iznosu od 200,00 KM u skladu sa članom 33. stav (2) tačka a) navedenog Pravilnika.

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog Rješenja.


MINISTAR
Josip Grubeša

Dostavljeno:

- Spahija Kozlić,
(za Udruženja za filozofiju i društveno
– humanistička istraživanja „Eidos“),
ulica Jevrejska broj 3, 72 000 Zenica
i ovjeren tekst Statuta Udruženja broj: 02/17 od 15.03.2017. godine
- Zbirka isprava;
- JP NIO "Službeni list BiH".